

patrini seu testes, ad illud provocantes vel exhortantes, excommunicationem majorem, in nostra dicēcesi episcopo reservatam, incurront, et in loco conflictus decedentes sepultura carent ecclesiastica, ex capite concilii Trid. supra citati et ex Constitutione Bened. XIV. Declarantur insuper a possessione bonorum suorum proscripti et perpetuo infames, ut homicidæ : verum illæ poenæ forum civile respicientes, apud nos non sunt in usu. Item Bened. XIV statuit ut, etiamsi in duello vulneratus ante mortem non incerta poenitentia signa dederit, atque a peccatis et censuris absolutionem obtinuerit, inde moriens, sepultura ecclesiastica careat, « sub lata Episcopis et Ordinariis locorum super hac poena interpretandi ac dispensandi facultate. » Nihilominus apud nos in eo casu ecclesiastice sepelitur, quia haec poenæ extensio non invaluit.

Denique præfatæ poenæ non incuruntur nisi ob duelum stricte sumptum, scilicet conventis loco, tempore et armis, non vero ob conflictum improvisum, quamvis pugnantes ex eodem impetu rixæ ad idoneum locum perreixerint; nec probabiliter si unus dixerit alteri : *Tecum pugnabo prima vice qua mihi obviaveris*, quia deest assignatio loci et temporis. Ita S. Ligoriū et plures apud ipsum, l. 3, n. 401.

ARTICULUS SEXTUS.

DE BELLO.

Bellum, sic dictum, ut plures volunt, quia velut bellua homines devorat, est *pugna multititudinis contra multitudinem extraneam, reipublicæ defendendæ aut vindicandæ causa*; sive differt a rixa, quæ est pugna paucorum contra paucos, et a seditione, quæ est conflictus multitudinis contra multitudinem ejusdem politicae societatis, et dicitur etiam bellum civile.

Bellum potest esse justum vel injustum : est justum si solius reipublicæ defendendæ aut vindicandæ causa sus-

cipiatur et debito modo exerceatur ; est vero injustum si sola nocendi cupiditate, ulciscendi crudelitate, rebellandi feritate, dominandi libidine vel alio simili fiat animo. Decret., part. 2, causa 23, q. 1, cap. 4.

Iterum bellum justum potest esse defensivum vel offensivum. Defensivum, est illud quo vis vi repellitur; et offensivum, est illud quo vis vis infinitur ad obtainendam justitiam vel injuria reparationem.

Certum est bellum justum defensivum esse licitum; unusquisque enim potest, etiam privata auctoritate, aduersus injustum aggressorem, se cum illius vitæ periculo, defendere : ergo a fortiori societas completa injustam aggressionem per vim repellere potest.

Certum est, e contra, bellum injustum, sive offensivum, sive defensivum, graviter esse illicitum, et strictam inducere obligationem cuncta damna per illud illata reparandi.

Restat igitur ut quædam dicamus 1º de bello justo offensivo in se sumpto; 2º de modo bellum faciendi; 3º de obligationibus ducum exercitus; 4º de obligationibus militum; 5º de clericis relative ad bellum.

De bello offensivo justo in se sumpto.

1º Manichæi censuerunt, referente S. Aug. contra Faustum, l. 22, cap. 74, bellum esse rem de se malam; Lutherus bella contra Christianos et præsertim papistas approbanda esse volebat, non vero bella contra Turcas, quia nihil aliud esset quam reluctari Deo iniquitates nostras per eos visitanti; sectarii Anglicani et Americani dicti *Quakers* quocumque bellum prohibendum esse docent.

2º Supremæ auctoritates a se invicem sunt independentes, et nullum agnoscent superiorem in ordine temporali; si ergo quoddam inter eas nascatur dissidium, quod mutuis explicationibus et reciprocis concessionibus componi non possit, sola vi armorum definiri potest; unde bellum, licet semper lugendum, quandoque fit necessarium ad obtainendum quod justum est. Idque pluribus

firmatur rationibus, nempe 1º exemplo Abraham, Moysis, Josue et innumerorum aliorum; 2º S. Joannes Baptista, interrogatus a militibus quid sibi faciendum esset ad consequendam salutem, non dicit eis abstinentium esse a militia, sed, e contra, supponit in ea perseverandum esse, dicens: *Neminem concutiatis, neque calumniam faciatis, et contenti estote stipendiis vestris;* 3º nullus Patrum imperatoribus christianis bella gerentibus obstitit tanquam si rei ex natura sua illicitæ vacassent; 4º Romani pontifices et Concilia principes plures incitaverunt ad arma contra infideles sumenda. Ergo.

3º Ut bellum licite instituatur quatuor requiruntur conditiones: 1º suprema auctoritas; societas enim quæ agnoscunt superiorem, jus suum coram ipso prosequi possunt: non est ergo necessitas ad vim armorum recurriendi nisi in casu injustæ aggressionis, ad se defendendas, sicut facere possunt privati. 2º Justa causa; bellum enim, cum multa secum trahat damna, suscipi non potest nisi ex gravi causa, ut in jure canonico habetur et omnes fatentur, v. g., ad recuperandum jus debitum, ad protegendos subditos vel confederatos injuste vexatos, ad vindicandam injuriam principi, legatis ejus vel ipsi reipublicæ illatam, terrorem injiciendum, et aliam præcavendam injuriam, etc. *Justa autem bella definiri solent, quæ ulciscuntur injurias,* inquit S. August. Quæst. in Josue 10. 3º Recta intentio; scilicet, ut bonum reipublicæ promoveatur et malum ejus vitetur aut reparetur; non vero ex ambitione, vanitate, odio, personali vindicta, etc. Notandum tamen solum rectæ intentionis defectum, data aliunde sufficiente causa bellum indicendi, obligationem restituendi non producere. 4º Satisfactionis petitio et conveniens exspectatio; cum enim bellum gravia secum necessario ducat incommoda, suscipi non potest absque gravi causa et necessitate: talis autem non existit necessitas si affulgeat spes debitam satisfactionem obtinendi: ergo hujusmodi satisfactio petenda et sufficienti tempore exspectanda est, atque oblata acceptari debet. Unde jus gentium, cunctis gen-

tibus commune, prohibet ne bellum offensivum ante quamdam saltem declarationem suscipiatur. Petitio autem satisfactionis, cum minis expressis vel subauditis, est vera declaratio belli.

4º Hinc principes, bellum injuste moventes, tenentur, coram Deo et hominibus, mala inde provenientia quantum possunt reparare, quia justitiam graviter lœdunt, v. g., debent domos eversas relevare, urbes dirutas redificare, familias spoliatas redintegrare, dominia acquisita restituere, jumenta sibi præstata remittere, expensas ab adversariis factas refundere, etc., etc. Omni ergo diligentia curare debent ut certi sint de belli justitia et necessitate, antequam illud suscipiant inferendum.

5º Attamen si, omnibus perpensis, existat dubium, et de possessione magni dominii vel juris agatur, ea possessio armis defendi potest, quia, juxta axioma ubique receptum: *In dubio melior est conditio possidentis.* Eadem ratione injuria contra hanc possessionem exercita, si justa satisactio convenienter petita denegetur, bello vindicari potest. Si tamen, etiam posita præsumptione dicto axiome expressa, remaneat dubium quod exuti negent, ambæ partes, ex æquo et bona fide convenire deberent: quod si una omnem abnueret transactionem, altera jus suum armis merito propugnaret. Ita communiter doctores, qui etiam advertunt bellum ex utraque parte fieri posse licitum, si nempe, in re dubia, utraque pars bona fide arbitretur se meliorem habere causam: in eo casu, quicumque sint belli eventus, neutra ad restitutionem tenetur, nisi postea clare videat se jus non habuisse; et tunc id tantum refundere deberet ex quo ditior facta fuisset.

De modo faciendi bellum.

1º Positis conditionibus requisitis ut bellum juste suscipiatur, licitum est 1º efficaciora adhibere media ad capiendos, vulnerandos et etiam occidendos hostes; finis enim belli obtineri non potest, nisi superentur et vin-

cantur adversarii; superari autem et vinci non possunt, nisi per flebia hujusmodi media: nomine hostium veniunt ii omnes qui dimicant et dimicantes positive adjuvant jubendo, exhortando, aggeres faciendo, virgulta ferendo, etc., sive viri, sive mulieres, sive laici, sive clerici aut religiosi, etc.; 2º bona reipublicæ et etiam privatorum, quatenus reipublicæ utilia esse possunt, diripere, auferre, incendere, vastare et destruere, quantum opus erit, non quidem voluntate militum, sed jussu vel approbatione ducum, quando id necessarium vel graviter utile judicant; 3º urbes et arces obsidere, tormenta omnis generis contra illas explodere, quælibet ædificia, etiam monasteria, ecclesias, incendere aut evertere, quamvis cum hostibus multi innocentes et extranei perire debeant; 4º insidias parare, stratagemata, in se non illicita nec ad illicitum inducentia, adhibere, ut hostes fallaciis decepti, in discrimina conjiciantur, et efficacius expugnentur, capiantur vel occiduntur: hæc non reputantur mendacia, quia in bello usitata sunt, et culpa sua decipiuntur adversarii; 5º transfugas et proditores ex parte adversa venientes suscipere, quamvis fugiendo peccent, eos interrogare, indicis ab eis acceptis uti, etc.; hæc enim ubique recepta sunt ut licita, et sic concedunt auctores. Sed eos ad proditionem vel desertonem excitare non licet, quia esset sollicitatio ad rem per se malam, quod semper est peccatum. Est contra Puffendorf.

2º Sed omnes simul fatentur justam servandam esse moderationem; duces etenim et milites legitimæ vindictæ sunt ministri, non vero latrones et sicarii: vitare igitur debent quidquid sapit crudelitatem et animum nocendi. Parcere igitur tenentur, quantum moraliter possunt, innocentibus, ut infantibus, pueris, mulieribus, senibus, peregrinis, rusticis, clericis, et denique iis omnibus qui ad bellum positive non concurrunt. Item hostes semel captos et nocere non valentes occidere nequeunt, nisi forte alicujus exterminatio judicetur necessaria in pœnam criminis vel in aliorum terrorem, ut docet Collet:

nihil molestiæ facere possunt internuntiis, qui jure gentium ubique sunt inviolabiles, nec mittere spiculatores qui principem, ducem exercitus, vel alios primores regni occulte trucidant; talis quippe agendi ratio semper habita est ut perfida, nisi in ipsomet prælio exerceatur. Judith vero excusat, quia, non nisi Deo inspirante, caput Holofernis amputavit. Denique, obtenta victoria, æquum servandum est moderamen erga victos, justæ tantum exigendæ sunt conditiones; admissæ bona fide ex ultra-que parte tenendæ sunt.

3º Quolibet die, tempore et loco præliari licet, positis conditionibus aliunde necessariis; idque constat 1º ex Mathathiae et aliorum Judæorum proposito adversus hostes suos die sabbatorum pugnandi; 2º exemplo principum christianorum, qui diebus dominicis et festivis se defendent et sepe prælia incepérunt, nihil contradicente Ecclesia; quia prælia non habentur ut opera servilia; 4º quia lex positiva dies festos sanctificandi cum tanto non obligat incommodo. Ergo.

4º Quærere solent theologi an princeps catholicus hæreticos aut infideles in adjutorium suum advocare, vel auxilium eis præbere possit, et respondent affirmative, quia 1º Machabæi fœdus inierunt cum Romanis ut in bello sibi adjutores forent; 2º societas cum hæreticis vel infidelibus non impedit quin bellum juste geratur. Si tamen princeps catholicus prævideret gravia oritura esse mala ex commercio cum hæreticis aut infidelibus, v. g., veræ fidei derisionem, templorum eversionem, sacrorum mysteriorum profanationem, subditorum apostasiam, a tali consortio abstinere deberet, nisi similia aut majora timeret mala ab hostibus inferenda.

5º Petitur an liceat indicere bellum vicino principi, quia fit potentior et timendum est ne postea adversus vicinos prævaleat.

Respondetur negative; quia, nisi constet illum contra nos malum parare, actualē nobis non facit injuriam, et inique agere non licet, ne alter deinceps iniquus fiat.

per quæ transeunt exigere possunt; sed cavere debent quantum possunt ne aliqui plus quam alii, servata proportione, graventur, quia in eo casu justitiam distributivam pro posse suo servare tenentur, *ut patet*.

7º Similiter contra justitiam peccant et ad restitutionem tenentur commissarii et annonæ curatores, si commeatum, victualia, vestes, lectos, etc., non subministrent in debita quantitate, et qualitate, etc. Hoc per se patet et ab omnibus admittitur.

De obligationibus militum.

1º Qui sorte ad militiam designantur, et legalem non habent exemptionem, servire tenentur; ad conservationem enim societatis necesse est ut sint milites; alii cives præ aliis militare non tenentur: oportebat igitur ut aliquis institueretur modus viros in numero sufficienti ad militiam obtinendi: statutum est apud nos ut omnes juvenes successive sortirentur quinam militiæ adscriberentur, vel non. Conditio igitur omnium sub hoc respectu est æqualis. Postea legitime eximuntur qui ad militiam non sunt idonei, qui familiae suæ sunt omnino necessarii, qui bono generali societatis aliter operam daturi sunt, ut clerici, magistri scholarum, etc. Dici ergo non potest legem (gallice *de recrutement*) nunc existantem esse injustam.

Ergo.

2º Juvenes sorte designati, vel ut milites jam inscripti, vexilla patriæ fugere vel deserere nequeunt sine gravi peccato contra justitiam, tum erga principem, tum erga societatem: *hoc sequitur ex dictis.*

3º In dubio an princeps sit legitimus, an bellum sit justum, milites obedire tenentur; quia in dubio stat præsumptio pro superiore, et tranquillitas publica exigit ut gubernium semel constitutum contra anarchiam et extraneos hostes defendatur: unde tributa solvenda et copiae militares ipsi tribuendæ sunt. Attamen extranei et qui ad arma non vocantur, probabilius nomen sponte dare non possent ad militandum in dubio, nisi, re ex-

20.

De obligationibus ducum exercitus.

1º Duces aliquae officiales exercitus scire debent quidquid ad sua officia pertinet, et discere, quantum possunt, que ignorant vel imperfecte sciunt.

2º Inviolabilem servare debent fidelitatem erga principem, patriam et milites sibi subditos: militiam deserere non possunt, maxime tempore belli, nisi ex consensu principis; perjuri essent, et a Deo sicut ab hominibus damnarentur, si ad hostes confugerent, secretas cum illis intelligentias haberent, consilia principis vel ducum eis aperirent, media vincendi revelarent, etc.

3º Mutua urbanitatis et charitatis officia sibi invicem præstare, disciplinam inter milites servare et bonum exemplum eis præbtere debent. Pariter tenentur eos amare, spiritu fraternitatis simul et fortitudinis ducere, sedulo invigilare ut nihil eis, sive quoad animam sive quoad corpus, desit; singularia certamina, ebrietates, rixas, scortationes, vires corporis et animæ destruentes, inter eos prohibere, etc.

4º Peccant contra justitiam et ad restitutionem tenentur si, sub prætextu quod insufficiens stipendum sibi solvatur, ficta militum nomina scribant, fingant ut præsentes qui sunt absentes, vel aliis fallacibus utantur mediis ut compensationem obtineant vel lucrum faciant. Item sibi retinere non possunt stipendum militibus defunctis debitum; ad illud quippe nullunt habent jus, nec a *fortiori* ad eorum bona jam possessa, quæ ipsorum hæredibus tribuenda sunt.

5º Milites sibi subditos convenientibus poenis cohibere debent ab injustis rapinis, deprædationibus, stupris aliquaque flagitiis; alioquin obligationem damna reparandi incurront, eum hæc ex justitia teneantur impedire quantum moraliter possunt.

6º In militaribus expeditionibus, si sufficiens desit annona, quæ ad victimum, vestitum, commeatum, cubandum, calefaciendum, etc., necessaria sunt, ab incolis locorum

cussa, saltem probabile efformarent judicium de justitia belli, quia necessitate obediendi non constringuntur sicut cives a principe vocati. Ita *Ferraris*, v^o *Bell.*, art. 3, n. 25, dicens hanc sententiam esse communem.

4º Milites pabulatione uti possunt in terra hostili, imo et in terra amica, si necessaria ipsis non prætentur, et ea propter inopiam emere non possint; sic et procedere ex licentia expressa vel tacita principis aut ducis, ad vastationes, spoliationes, prædationes, carcerationes et cades partis hostilis; secus, si duces haec prohibeant, quia tunc propria auctoritate agerent, et obligationem damna repandi contraherent. *Est sententia communis.*

5º Si capti fuerint etiam in bello justo ex parte capientium, licite fugere possunt, nisi specialis adsit promissio non fugiendi; sic enim jure gentium introductum esse videtur. In bello ex parte capientium injusto, fugere et bona hostium auferre possent, seclusa promissione jumento firmata permanendi. Ita *Molina*, *Layman*, *Ferraris*, addentes quod in bello injusto dominis insequentibus vi resistere possent, non vero in bello justo.

6º Spolia hostium, sive occisorum, sive vulneratorum, sive captorum, sive fugientium, seclusa contraria consuetudine vel jussione, pertinent ad milites, quia quæ ab hostibus capimus jure gentium nostra fiunt, inquit *Ferraris*. Cætera vero bona in bello justo capta pertinent ad principem victorem, vel potius ad rem publicam sibi commissam.

7º Milites, tuta conscientia, militare non possunt in bello evidenter injusto, quia malo cognito nunquam licet per actum positivum cooperari; potius omnia patienda et etiam mors subeunda est. At vero in bello justo vel non evidenter injusto, ducibus serio aliquid ad rem militarem spectans jubentibus, statim sub culpa ex genere suo mortali obedire tenentur, nec sine ipsorum consensu a castris vel exercitu recedere possunt, nec stationem sibi commissam deserere ob imminentis periculum vitæ, etc.

De clericis relative ad bellum.

1º Omnibus clericis, sive sæcularibus, sive regularibus sacris Ordinibus initiatis, jure ecclesiastico prohibitum est nomen militiae dare et propria manu pugnare; hocque constat 4º can. 83 Apost. ubi legitur: « Episcopus, aut presbyter, aut diaconus, qui militiae vacaverit... depo- natur; » 2º ex variis Decreti canonibus, v.g., 1^a part., dist. 50, c. 6, part. 2, causa 20, q. 3, can. 3, etc. 3º ex *Bened. XIV*, Inst. 101, n. 23, dicente: « Unanimes theologi fatentur levem solummodo culpam admitti a clero qui, ad minores Ordines exceptus, inter milites sponte coop- tatur; lethali vero culpa vacuum non esse clericum qui, sacram Ordinibus ornatus, militiam amplectitur. » Ergo.

Diximus 1º *jure ecclesiastico*, et non *jure naturali*: unde si licentia summi Pontificis accederet, abesset culpa et irregularitatis pena.

Diximus 2º *propria manu*; quia cleroi sacris Ordinibus initiati, ex legitima superiorum suorum missione, in bello justo assistere possunt, et sacramenta morientibus ministrare, milites ad fortiter dimicandumhortari, principes et duces incitare ad defensionem oppressorum, ad oppugnationem inimicorum Dei vel patriæ, etc. Unde si in *Decretal. I. 5, tit. 37, cap. 5*, dicatur eos qui alios incitant ad pugnandum enormiter peccare, id intelligendum est, ut ait *Glossa*, de bello injusto.

2º Ex pluribus juris canonici capitibus, ut videre est apud *Ferraris*, v^o *Bellum*, art. 4, n. 5, desumitur 1º clericos in sacris constitutos bellum justum suadere posse; 2º principes sæculares advocate contra infideles, hereticos aliosque inimicos in defensionem Ecclesiæ; 3º eos qui jurisdictionem temporalem habent, ut nunc summus Pontifex, et olim plures episcopi et abbates, pro tuendis ecclesiistarum suarum juribus, invocare posse principes sæculares, bellum justum indicere, exercitum conscribere, ducem belli præficere, arma ad pugnandum milibus præbere, etc., quamvis ipsi personaliter munere

præfecti vel ducis fungi nequeant, ut expresse habetur in Sexto, l. 3, tit. 24, cap. 3.

3º Clerici et religiosi, qui bello justo intersunt, non dicimando, sed spiritualiter adjuvandi causa, spolia hostium non minus quam alii milites accipere ac retinere possunt, quia sunt pars exercitus et eadem subeunt pericula cum aliis: æquum est igitur ut eadem habeant commoda.

4º Licet propria manu decentare non valeant, possunt tamen, in magna necessitate, moenia vel portas civitatis custodire, imo et ad id in repentina bello tenentur, ut desumitur ex Decretal. l. 3, tit. 49, cap. 2.

5º Clerici et laici in bello justo propria manu occidentes vel mutilantes, fiunt irregulares, ut in Tractatu de Irregularitate dicimus: qui vero in bello manifeste injusto, sive offensivo, sive defensivo, militant, irregularitatem ex delicto contrahunt, quamvis ipsi nec occiderint, nec mutilaverint, si vel unus adversariorum fuerit occisus aut mutilatus; quia omnes ad homicidium cooperantur, et eamdem causam moralem constituant. Sic ex pluribus juris canonici capitibus communiter docent auctores, paucis contradicentibus, inter quos annotator Ferraris, ad calcem art. 4.

ARTICULUS SEPTIMUS.

DE HOMICIDIO CASUALI.

Id dicitur casuale quod præter intentionem accidit. Fieri autem potest ut ita sit præter intentionem quod neque fuit volitum in causa, et tunc nullo modo imputatur ad peccatum; vel ita ut ex causa voluntarie posita sequatur, et indirecte volitum judicatur, ac proinde, si malum sit, est peccatum mortale aut veniale, secundum principia a nobis in Tractatu de Actibus humanis exposita.

Duplici modo aliquis potest esse causa homicidii casualis seu indirecte voliti, nempe vacando rei licitæ, et vacando rei illicitæ.

1º Si causam mortis homini ponat, vacando rei licitæ, et debitam adhibendo diligentiam, non peccat, nec igitur homicidii est reus. Si, e contra, debitam diligentiam non adhibeat, plus minusve peccabit, juxta gradum negligentiæ, modo mortaliter, modo venialiter: id ex solo prudentium judicio determinari potest.

2º Qui vacando rei illicitæ, sed mortis non inductivæ, et adhibita sufficienti diligentia, causam mortis homini ponit, non est reus homicidii inde per accidens sequentis, quia talis occisio nullo modo est voluntaria; non in se, ut patet; neque in causa, cum prævideri non potuerit: unde clericus qui peccat venando, non habendus est ut homicida, si, adhibita convenienti diligentia, hominem pro fera occidat, quod accidit respectu D. de Chantal.

3º Qui vacando rei illicitæ et periculosæ, v. g., qui medicinam et chirurgiam non didicit et operationem chirurgicam facit, ex qua mors sequitur, reus est homicidii, quia hujusmodi mors ipsi vere imputabilis est.

De irregularitate ex homicidio casuali proveniente judicandum est ex dictis tum supra, tum in Tractatu de Irregularitate; irregularitas enim ex delicto supponit peccatum grave: quotiescumque ergo homicidium casuale imputari non potest ad peccatum mortale, non existit irregularitas; in casu opposito existit.

CAPUT SEXTUM.

DE SEPTIMO ET DECIMO PRÆCEPTO DECALOGI.

Hæc duo præcepta jungimus, sicut alibi sextum et nonum simul junximus, quia utriusque idem est objectum. Sie exprimuntur in Exod. xx, 15: *Non furtum facies;* et 17: *Non concupisces domum proximi tui, nec desiderabis uxorem ejus, non servum, non servam, non ancillam, non bovem, non asinum, nec omnia quæ illius sunt.*